

12 AUG 1998

MAHATHIR UCAP SELAMAT JALAN KEPADA PM LAOS

KUALA LUMPUR, 12 Ogos (Bernama) -- Perdana Menteri Datuk Seri Dr Mahathir Mohamad mengucapkan selamat jalan kepada rakan sejawatannya dari Laos Sisavath Keobounphanh di sini hari ini.

Turut hadir ialah isterinya, Datin Seri Dr Siti Hasmah Mohd Ali.

Sisavath dan delegasi seramai 12 anggota mengandungi beberapa orang menteri dan pegawai kanan tiba di sini Isnin lepas untuk lawatan selama tiga hari.

Ini adalah lawatan rasmi pertamanya sebagai Perdana Menteri republik Laos.

Semalam Dr Mahathir dan Sisavath bertemu untuk membincangkan berbagai isu dua hala dan antarabangsa dan mengenal pasti beberapa bidang untuk bekerjasama.

Antara lain Malaysia dan Laos bersetuju untuk mempertingkatkan perdagangan tukar barang dan menggalakkan penggunaan matawang serantau dalam perdagangan.

Kedua-dua negara juga akan mengadakan program pertukaran pegawai kerajaan.

Malaysia sekarang ialah pelabur kelima terbesar di Laos dan melaburkan lebih dari RM1 bilion dalam 18 projek sejak 1988.

--BERNAMA

ES WAT